

Fødevarestyrelsen aamma Namminersorlutik Oqartussat Kalaallit Nunaannut tunngasunut aalajangiisarneri pillugit Miljø- og Fødevareklagenævnet naammagittaalliutinik suliarinnittarnera pillugu nalunaarut

Inuussutissat il.il. pillugit inatsisip Kalaallit Nunaannut atortuulersinneqarnissaanik peqqussut nr. 523, 8. juni 2004-imeersumi § 54, imm. 1 aamma § 65, imm. 1, uumasuni nappaatit tunillaannartullu pillugit inatsisip Kalaallit Nunaannut atortuulersinneqarnissaanik peqqussut nr. 524, 8. juni 2004-imeersumi § 39, imm. 2 aamma uumasut nakorsaattut suliaqarneq il.il. pillugit inatsisip Kalaallit Nunaanni atortuulersinneqarnissaanik peqqussut nr. 525, 8. juni 2004-imeersumi § 25, imm. 2 naapertorlugit, tak. Miljø- og Fødevareklagenævni pillugu inatsit nr. 1715, 27. december 2016-imeersoq aamma Namminersorlutik Oqartussat isumaqatigiinniarfigereerlugit aalajangersarneqarpoq:

§ 1. Inuussutissanut uumasullu nakorsaqaanermut tunngasut ilaanni avatangiisinut inuussutissalerinermullu ministerimit aqunneqartuni Fødevarestyrelsen aamma Namminersorlutik Oqartussat suliaat pisinnaatitaaffiilu pillugit nalunaarummi § 3-imi, § 45, imm. 1-imi aamma § 5-imi taaneqartuni pisinnaatitaaffinni suliaasanillu isumaginninnermut atatillugu Fødevarestyrelsen aamma Namminersorlutik Oqartussanit oqartussatut siullertut aalajangiiffigineqartut pillugit naammagittaalliutinik Miljø- og Fødevarestyrelsen suliaqarpoq.

Imm. 2. Imm. 1-imut ilaasunik naammagittaalliutinik aamma Miljø- og Fødevarestyrelsen suleriaasia pillugu nalu-

naarummi malittarisassat malillugit aalajangiinerit nalunaarutigineriniit ullormiit sapaatit akunneri sisamat qaangiut-sinnagit tunniunneqartunik naammagittaalliutinik aalajangiisartut suliaqartarput. Suleriaaseq Miljø- og Fødevareklagenævni pillugu inatsimmi § 7, imm. 2, § 13 aamma § 22 malillugit erhvervsministerimit atulersinneqarpoq.

Imm. 3. Imm. 1-imi pineqartunik aalajangiinerit aamma Fødevarestyrelsen aalajangiiffigineqartunik naammagittaalliutit Fødevarestyrelsen aqutugalugu tunniunneqassapput. Imm. 1-imi pineqartunik aalajangiinerit aamma Namminersorlutik Oqartussanit aalajangiiffigineqartunik naammagittaalliutit Namminersorlutik Oqartussat aqutugalugit tunniunneqarsinnaapput.

Imm. 4. Fødevarestyrelsen sulianut tunngatillugu oqartussatut siullertut aalajangiiffigineqartuni, naammagittaalliutit tunniunneqarnerata kingorna aamma naammagittaalliutit aalajangiisartunut ingerlateqqinneqarnissaa sioqqullugu sulianik qaqitseqqisinnaavoq.

Imm. 5. Aalajangiinerit Miljø- og Fødevareklagenævnet aalajangiiffigineqartut allaffissornikkut oqartussanut allanut suliaassanngortinneqarsinnaanngillat.

§ 2. Nalunaarut 1. september 2017-imi atuutilissaaq.

Miljø- og Fødevareministeriaqarfik, 25. august 2017

ESBEN LUNDE LARSEN

/ Esben Egede Rasmussen